

Berangkat ke Majlis Sambutan Hari Guru Ke-29



KEBAWAH Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam berkenan berangkat ke Majlis Sambutan Hari Guru Ke-29 Tahun 2019 yang berlangsung di Pusat Persidangan Antarabangsa (ICC), Berakas.

BANDAR SERI BEGAWAN, Isnin, 23 September. - Sambutan Hari Guru setiap tahun melambangkan penghargaan besar negara dan masyarakat kepada para pendidik atas jasa dan bakti mereka.

Sesuai dengan tema Sambutan Hari Guru pada tahun ini iaitu 'Pendidikan Berkualiti Teras Kecemerlangan Pelajar' yang membawa maksud pendidikan berkualiti merangkumi aspek pedagogi dan perkembangan pendidikan secara holistik bagi menghasilkan pelajar yang seimbang daripada segi intelek, rohani, emosi dan jasmani.

Sementara teras merupakan sesuatu yang menjadi asas atau dasar bagi kecemerlangan pelajar yang boleh dilihat dari aspek kejayaan menguasai ilmu, dan kemahiran dalam bidang akademik, menguasai bidang-bidang yang lain termasuk pembentukan akhlak dan jati diri yang baik.

Kemuncak Sambutan Hari Guru tahun ini diserikan dengan keberangkatan Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah

ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam ke Majlis Sambutan Hari Guru Ke-29 Tahun 2019 yang berlangsung di Pusat

Persidangan Antarabangsa (ICC), Berakas.

Berangkat sama ialah paduka-paduka anakanda Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei

Oleh : Dk. Siti Redzaimi Pg. Haji Ahmad
Foto : Haji Ariffin Mohd. Noor / Morshidi, Mohd. Sahrizal Haji Said, Azmah Haji Ahad

Darussalam, Duli Yang Teramat Mulia Paduka Seri Pengiran Muda Mahkota Pengiran Muda (Dr.) Haji Al-Muhtadee Billah, Menteri Kanan di Jabatan Perdana Menteri; dan Duli Yang Teramat Mulia Paduka Seri Pengiran Muda 'Abdul Malik.

Turut berangkat ialah adinda-adinda Kebawah Duli Yang Maha Mulia, Duli Yang Teramat Mulia Paduka Seri Pengiran Perdana Wazir Sahibul Himmah Wal-Waqar Pengiran Muda Mohamed Bolkiah; dan Duli Yang Teramat Mulia Paduka Seri Pengiran Bendahara Seri Maharaja Permaisura Pengiran Muda Haji Sufri Bolkiah.

Keberangkatan tiba Kebawah DYMM berserta kerabat diraja yang lain dialu-alukan oleh Menteri Pendidikan, Yang Berhormat Dato Seri Setia Awang Haji Hamzah bin Haji Sulaiman dan Menteri Hal Ehwal Agama, Yang Berhormat Pehin Udana Khatib Dato Paduka Seri Setia Ustaz Haji Awang Badaruddin bin Pengarah Dato Paduka Haji Awang Othman selaku Pengerusi Bersama Majlis serta Ahli-ahli Jawatankuasa Tertinggi Majlis Sambutan Hari

Guru Ke-29 bagi Tahun 2019.

Majlis dimulakan dengan bacaan Surah Al-Fatihah khusus buat ayahanda baginda, Al-Marhum Sultan Haji Omar 'Ali Saifuddien Sa'adul Khairi Waddien dan guru-guru yang telah kembali ke rahmatullah, diikuti dengan Doa Selamat yang dipimpin oleh Mufti Kerajaan, Yang Berhormat Pehin Datu Seri Maharaja Dato Paduka Seri Setia (Dr.) Ustaz Haji Awang Abdul Aziz bin Juned.

Majlis diteruskan dengan bacaan ayat-ayat suci Al-Quran dari Surah Ar-Rum, ayat 20 - 24 oleh Pegawai Pelajaran, Sekolah Ugama Arab Menengah Perempuan Raja Isteri Pengiran Anak Hajah Saleha, Awang Haji Hazwan bin Haji Salim yang merupakan johan Musabaqah Membaca Tilawah Al-Quran Belia Kebangsaan Peringkat Akhir 2012.

Sementara inti sari ayat disampaikan oleh Penolong Pensyarah Fakulti Usuluddin, Universiti Islam Sultan Sharif Ali (UNISSA), Awang Haji Muhammad Khairul Nazif bin Haji Awang Damit.

Ke muka 5



BERANGKAT sama ialah paduka-paduka anakanda dan adinda Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam, Duli Yang Teramat Mulia Paduka Seri Pengiran Muda Mahkota Pengiran Muda (Dr.) Haji Al-Muhtadee Billah, Menteri Kanan di Jabatan Perdana Menteri; Duli Yang Teramat Mulia Paduka Seri Pengiran Muda 'Abdul Malik; Duli Yang Teramat Mulia Paduka Seri Pengiran Perdana Wazir Sahibul Himmah Wal-Waqar Pengiran Muda Mohamed Bolkiah; dan Duli Yang Teramat Mulia Paduka Seri Pengiran Bendahara Seri Maharaja Permaisura Pengiran Muda Haji Sufri Bolkiah.



MUFTI Kerajaan, Yang Berhormat Pehin Datu Seri Maharaja Dato Paduka Seri Setia (Dr.) Ustaz Haji Awang Abdul Aziz bin Juned memimpin bacaan Surah Al-Fatihah khusus buat ayahanda Kebawah Duli Yang Maha Mulia, Al-Marhum Sultan Haji Omar 'Ali Saifuddien Sa'adul Khairi Waddien dan guru-guru yang telah kembali ke rahmatullah dan seterusnya diikuti dengan Doa Selamat (kiri). Sementara gambar tengah, Pegawai Pelajaran, Sekolah Ugama Arab Menengah Perempuan Raja Isteri Pengiran Anak Hajah Saleha, Awang Haji Hazwan bin Haji Salim yang merupakan johan Musabaqah Membaca Tilawah Al-Quran Belia Kebangsaan Peringkat Akhir 2012 membaca ayat-ayat suci Al-Quran dari Surah Ar-Rum, ayat 20 - 24. Sementara inti sari ayat disampaikan oleh Penolong Pensyarah Fakulti Usuluddin, Universiti Islam Sultan Sharif Ali (UNISSA), Awang Haji Muhammad Khairul Nazif bin Haji Awang Damit. Manakala gambar kanan, persembahan Sayyidul Istighfar terdiri daripada para pegawai Kementerian Pendidikan dan Kementerian Hal Ehwal Ugama.